

<b>ADRODDIAD I'R:</b>	Pwyllgor Trwyddedu
<b>DYDDIAD:</b>	13 Mehefin 2018
<b>SWYDDOG ARWEINIOL:</b>	Pennaeth Cynllunio a Gwasanaethau Gwarchod y Cyhoedd
<b>SWYDDOG CYSWLLT:</b>	Howard Birnie <a href="mailto:trwyddedu@sirddinbych.gov.uk">trwyddedu@sirddinbych.gov.uk</a> 01824 706431
<b>PWNC:</b>	Cais i Hysbysebu ar Gerbydau Hacni

## **1.0 PWRPAS YR ADRODDIAD**

- 1.1 Ystyried cais gan Mr William Curry, sydd yn Berchennog Cerbydau Hacni sefydledig, am gymeradwyaeth i arddangos arwyddluniau ar ei gerbydau trwyddedig.
- 1.2 Egluro gofynion y polisi o ran y gorffeniad paent ar gyfer cerbydau hacni.

## **2.0 CRYNODEB GWEITHREDOL**

- 2.1 Yn unol â'r awdurdod dirprwyedig, gall Swyddogion gymeradwyo ceisiadau o'r fath yn unol â'r polisi cyfredol.
- 2.2 Er bod gan Swyddogion awdurdod dirprwyedig i gymeradwyo ceisiadau fel y disgrifiwyd ym mhwynt 2.1 uchod, mae'r cais penodol hwn wedi peri pryder i swyddogion felly nid yw wedi'i gymeradwyo ar lefel swyddog.
- 2.3 Ar ôl derbyn cais o'r fath, gofynnir i'r Aelodau ystyried y manylion o fewn yr adroddiad hwn i'w cynorthwyo wrth benderfynu a ddylid cymeradwyo'r cais hwn.

## **3.0 PŴER I WNEUD Y PENDERFYNIAD**

- 3.1 Deddf Cyfrifoldebau Heddluoedd Trefol 1847.

#### 4.0 GWYBODAETH GEFNDIR

- 4.1 Mae Mr Curry wedi cysylltu â'r Cyngor gyda'r bwriad o wneud cais am ganiatâd i arddangos arwyddlun mawr o Fflag Cymru ar fonedi ei gerbydau trwyddedig, gweler Atodiad A. Sylwch mai lluniau wedi'u creu gan gyfrifiadur yw'r rhain ac nid ffotograffau o'r cerbydau fel ag y maent ar hyn o bryd.
- 4.2 Mae manyleb cerbyd a pholisi cyfredol y Cyngor (5.6, 6.2 a 7.6) yn nodi'r gofynion derbyniol o ran paent, arwyddion, hysbysebu a chynllun lliwiau Cerbydau Hacni. Gweler detholiadau perthnasol o'r adrannau hyn yn Atodiad B i'r adroddiad hwn.

#### 5.0 YSTYRIAETH

- 5.1 Yn gyntaf oll, dylai'r Aelodau nodi fod adran 6.2.2 yn ymddangos yn anghyflawn wrth ei chymharu ochr yn ochr â gofynion polisi tebyg ar gyfer cerbydau hurio preifat. Yn benodol, y gofyniad ar gyfer cerbyd hurio preifat yw, yn 3.8.2, "Bydd gan y paent orffeniad proffesiynol ac yn un lliw cyson ar draws corff cyfan y cerbyd." Efallai y dylai Aelodau ystyried a oedd bwriad i'r gofyniad hwn gael ei ailadrodd yn y manyleb cerbyd hacni.
- 5.2 Mae Swyddogion yn dymuno tynnu sylw'r Aelodau at y gofynion yn ymwneud ag Arwyddion a Hysbysiadau. Er y gellir arddangos enw'r cwmni/ rhif ffôn ar ochr neu gefn cerbyd, ni chaniateir unrhyw arwyddion, arwyddlun neu hysbysiadau eraill y tu mewn na thu allan i'r cerbyd heb ganiatâd ysgrifenedig penodol gan y Cyngor.
- 5.3 Bydd Aelodau'n dymuno ystyried a yw pob math o arwyddluniau chwaraeon ac arwyddion gwladgarol yn dderbyniol i'w harddangos ar gerbydau trwyddedig yn gyffredinol. Er enghraifft, efallai y ceir cais i arddangos teyrngarwch i dîm chwaraeon neu wlad, ac y byddai hynny wedyn yn denu sylw dieisiau, neu'n cynyddu'r risg o ymddygiad troseddol.
- 5.4 Er nad yw cais Mr Curry y tu allan i'r gofynion y manylwyd arnynt uchod yn awtomatig, mae Swyddogion o'r farn y dylid rhoi cyfle i'r Aelodau ystyried y mater yn yr achos hwn.
- 5.5 Pan ystyriodd yr Aelodau gais i arddangos arwyddluniau llai yn ystod eu Cyfarfod ym mis Medi 2017, **PENDERFYNWYD -**

*(a) cymeradwyo'r cais i arddangos arwyddlun fel y gwnaed cais amdano, ac*

*(b) ystyried ceisiadau i arddangos arwyddluniau yn y dyfodol yn unigol yn ôl eu rhinweddau eu hunain.*

Dyma oedd y rhesymau dros benderfyniad y Pwyllgor Trwyddedu –  
*“Ar ôl ystyried yr adroddiad a chyflwyniad yr Ymgeisydd, roedd yr Aelodau’n fodlon ei bod hi’n briodol i’r arwyddluniau gael eu harddangos ar y cerbyd fel y ceisiwyd. Cydnabuwyd y gallai rhai arwyddluniau o’r math hyn ddenu sylw dieisiau ond, yn ôl yr Aelodau, nid oedd newid i’r polisi’n angenrheidiol ac y dylai pob cais gael ei benderfynu ar ei rinwedd ei hun.”*

## 6.0

### **ARGYMHELLION**

## 6.1

Bod yr Aelodau’n ystyried y cais i arddangos arwyddluniau ac yn dewis un o’r opsiynau canlynol:

- cymeradwyo’r cais fel y gwnaed cais amdano, neu
- gwrthod y cais.

## 6.2

Bod yr Aelodau’n ystyried sylwadau’r gofyniad polisi ym mhwynt 5.1 uchod a chadarnhau’r hyn a fwriedir:

- Bydd gan y paent orffeniad proffesiynol; neu
- Bydd gan y paent orffeniad proffesiynol ac yn un lliw cyson ar draws corff cyfan y cerbyd.